



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

20. Quis est optimus & maxime probandus modus celebrandi hoc sacramentum, tempore pestis?

urn:nbn:de:hbz:466:1-41077

QVÆSTIO XX.

Quis est optimus & maxime probandus modus celebrandi hoc sacramentum tempore pestis?

Quæstionis explicatio.

Absoluimus duas partes huius capituli: restat tertia & postrema, qua quæritur de modis, quibus tempore pestis ministrari vel nõ ministrari potest & debet matrimonii sacramentum. Quocirca quæritur consueta methodo, quis sit censendus optimus modus tunc celebrandi hoc sacramentum?

Responsio.

Ille est, in quo essentialia certa adhibentur, puta personæ, nullum habentes legitimum impedimentum dirimens, & præsentia pastoris vel alterius sacerdotis ab eo vel ordinario deputati: denique reliqui accidentarii ritus & cæremoniæ, puta, denunciationes, vna vel plures, benedictio sacerdotis, & quædam aliæ, prout ratio temporis & periculi siue sacerdotis & testium, siue ipsorum contrahentium postulabit. Hęc sufficienter præstantur per ea, quæ in similibus quæstionibus ante diximus.

Dices: Debetitnè saltem vna denunciatio fieri?

| Kk 4 R. Pa.

R. Pastorem debere aduertere circumstantias temporis, loci & periculi, in quo versantur, præsertim ipsi contrahere volentes, vel saltem alter ipsorum: Itaque pro ratione istorum, vel plures, vel vnam, vel nullam faciet, dummodo pro qualitate casus & dictarum circumstantiarum adhibet diligentiam, quam potest, ad deprehendum, si quod subit impedimentum.

Dices 2. Petetne ante omnia pastor ab Episcopo seu eius vicario rubrum sigillum (vt vocant) hoc est, remissionem bannorū, siue denunciationū, de quib. iam diximus.

R. Petet, si vt diximus ratio temporis & reliquæ circumstantiæ id permittant, puta, quia contrahere volens, non est in tanto vitæ periculo, & probabiliter videtur, ad aliquot dies superuicturus, sed quia hoc genus morbi fallax est, & plurimos contra opinionem eripit ex hac vita, poterit in hoc casu testis sine remissione bannorum ad matrimoniū celebrandū procedere, maxime si sciat, nullū subesse canonicū impedimentū.

Dices. Quid si tēpus sit clausum, h. e. qd si ab Ecclesia sit veritum, eo tempore matrimonia celebrari?

R. quod alias saepe, *necessitatem carere lege*, præsertim cum Ecclesia non vetet sacramentū matrimonii, sed quasdā illius solēnitates
vt tradu:

vt traductionem sponsæ, & alias eiusce generis, quæ in matrimoniis tempore pestis celebrandis non reperiuntur. *Musica enim in luctu*, (vt loquitur *(a)* Sapiens) *importuna narratio.* *a Eccles. 22.*

QVÆSTIO XXI.

Quid sit censendum de modo ministrandi illorum, qui volunt peste infectum contrahere per procuratorem?

Quæstionis explicatio.

Certum *(b)* est matrimoniū contractū per procuratorē valuisse ante Concil. Triden. quatuor conditionib. positis, 1. vt procurator habeat speciale mandatum ad matrimonium contrahendū. 2. vt sit mandatum ad contrahendū cum certa persona. 3. vt procurator per se ipsum exequatur. 4. & vlt. vt tempore, quo procurator cōtrahit non sit reuocata potestas: Hodie *(c)* quidā dubitat, an etiam post Concil. Trid. valeat, si in præsentia parochi & testium procurator contrahat: Occasione huius quæritur, quid si pastor timore contagionis non audeat accedere contrahere volentes, quia illorum alter est peste infectus, nec lecto se mouere potest, velit autem illos per procuratorē contrahere, poteritne hic modus celebrandi mtrūm hoc tempore probari & tolerari?

b a. fin. de p. curat. in 6.

c l. sufficit, ff. de sponsal.

c Barthol. de Ledesm. dub. 18. de matr.

Kk § Respon